



Na osnovu člana 22 Statuta Brčko distrikta BiH („Službeni glasnik Brčko distrikta BiH“, broj 2/10 – prečišćeni tekst), Skupština Brčko distrikta BiH, na 61. redovnoj sjednici održanoj 17. jula 2024. godine, usvaja

ZAKON
O IZMJENAMA I DOPUNAMA ZAKONA O BORAVIŠNOJ TAKSI U BRČKO
DISTRIKTU BOSNE I HERCEGOVINE

Član 1

U Zakonu o boravišnoj taksi u Brčko distriktu Bosne i Hercegovine („Službeni glasnik Brčko distrikta BiH“, broj 37/15) u članu 2 iza tačke d) dodaje se nova tačka e) i glasi:

“e) Turistička organizacija Brčko distrikta Bosne i Hercegovine (u daljnjem tekstu: Turistička organizacija Distrikta) je pravno lice koje je osnovao Distrikt, a osnovana je sa zadatkom promocije turizma na teritoriji Distrikta.“

Član 2

Član 8 mijenja se i glasi:

„Član 8

(Sredstva od boravišne takse)

“(1) Sredstva prikupljena od boravišne takse, prihod su Turističke organizacije Distrikta.

(2) Sredstva od naplaćene boravišne takse davalac smještaja uplaćuje na račun Turističke organizacije Distrikta, u roku od pet dana od isteka mjeseca u kojem su sredstva naplaćena.

Član 3

Iza člana 8 dodaje se član 8a i glasi:

“Član 8a

(Namjena sredstava od boravišne takse)

(1) Sredstva prikupljena po osnovu boravišne takse, isključivo se koriste za:

a) osiguranje promotivnog, odnosno informativno-propagandnog materijala kojim se promoviraju turističke vrijednosti Distrikta.

b) osiguranje i postavljanje turističke signalizacije i

v) realizaciju ostalih programskih aktivnosti turističke organizacije na promociji i unapređenju turizma u Distriktu.

(2) Turistička organizacije Distrikta obavezna je sredstva boravišne takse koristiti samo za svrhu utvrđenu stavom 1 ovog člana.

(3) Zabranjeno je sredstva prikupljena po osnovu boravišne takse koristiti za finansiranje troškova materijalnog poslovanja turističke organizacije, kao i za isplatu plata i ostalih naknada zaposlenima u Turističkoj organizaciji Distrikta.

(4) Turistička organizacija Distrikta obavezna je u godišnjem izvještaju o poslovanju koji podnosi osnivaču posebno iskazati visinu sredstava prikupljenih po osnovu boravišne takse i svrhu trošenja tih sredstava u skladu sa stavom 1 ovog člana.

Član 4

U članu 10 stavu 3 poslije riječi “kao nadležnom organu javne uprave, “ dodaju se riječi “i Turističkoj organizaciji Distrikta,“.

Član 5

Član 11 mijenja se i glasi:

“Član 11 (Nadzor)

Nadzor nad naplatom i uplatom boravišne takse vrši **Inspektorat i Direkcija za finansije Brčko distrikta Bosne i Hercegovine, svako iz svoje nadležnosti.**”

Član 6

U članu 13 stavu 1 tački e) alineji 3) poslije riječi “Odjeljenju” dodaju se riječi “i Turističkoj organizaciji Distrikta”

Član 7

U članu 13 stavu 1 tačka b) mjenja se i glasi:

„b) sredstva boravišne takse ne uplati na račun Turističke organizacije Distrikta, u skladu s članom 8 stavom 2 ovog zakona.“

U istom članu poslije stava 3 dodaju se stavovi 4 i 5 i glase:

“(4) Novčanom kaznom od 2.000 KM do 5.000 KM kaznit će se Turistička organizacija Distrikta, ako:

a) sredstva prikupljena po osnovu boravišne takse utroši nenamjenski, član 8a,

b) u izvještaju o poslovanju posebno ne iskaže visinu sredstava prikupljenih po osnovu boravišne takse, kao i svrhu trošenja tih sredstava, član 8a stav 4.

(5) Za prekršaj iz stava 4 ovog člana kaznit će se odgovorno lice u turističkoj organizaciji Distrikta novčanom kaznom od 1.000 KM do 2.000 KM.”

Član 8

Ovaj zakon stupa na snagu osmog dana od dana objave u Službenom glasniku Brčko distrikta Bosne i Hercegovine

Broj: 01-02-384/24

Brčko, 17. 7. 2024. godine

PREDSJEDNIK
SKUPŠTINE BRČKO DISTRIKTA BiH
mr. sci. Siniša Milić